



*Entidade Local Menor
de Bembrive*

**ACTA DA SESIÓN ORDINARIA DA XUNTA VECIÑAL NÚM. 3/2023, DO DIA 10
DE ABRIL DE 2023**

Na sede da Entidade Local Menor de Bembrive, sendo ás vinte horas e nove minutos do luns día 10 de abril de 2023, previa convocatoria de sesión extraordinaria realizada pola Alcaldía mediante Resolución de 03.04.2023, reúnese a Xunta Veciñal, baixo a Presidencia da Alcaldesa-Pedánea, D^a. Patricia Otero Carrera, asistindo os seguintes vocais:

D. José González Domínguez	PSdeG – PSOE
D ^a . Antía González Fernández	PSdeG – PSOE
D. Manuel Costas Costas	PSdeG – PSOE

Asiste á sesión, en calidade de secretaria da Corporación, Patricia Alvarellos Leis.

O obxecto da sesión é o tratamento e resolución dos seguintes puntos da

ORDE DO DÍA

I. PARTE RESOLUTIVA:

- 1. Aprobación, se procede, do Expediente de Recoñecemento Extraxudicial de Créditos núm. 3/2023 por importe total de 3.751,00 €.**

Ábrese a sesión polo Sra. Alcaldesa Pedánea á hora arriba indicada.

Acto seguido, procédese ao tratamento dos puntos da ORDE DO DÍA:

- 1. Aprobación, se procede, do Expediente de Recoñecemento Extraxudicial de Créditos núm. 3/2023 por importe total de 3.751,00 €.**

Pola Alcaldesa-Pedánea dase conta do informe-proposta de Alcaldía de data tres de abril do ano dous mil vinte e tres, co seguinte contido literal:

“En relación co expediente de aprobación do recoñecemento extraxudicial de créditos número 3/2023, emito a seguinte proposta, con base aos seguintes,

ANTECEDENTES DE FEITO

PRIMEIRO. - Examinada a relación de xustificantes de gasto núm. 2023 8 que se recolle no listado que se adxunta, comprobouse que corresponde a subministros



Entidade Local Menor de Bembrive

realizados correctamente no exercicio anterior polo que procedería o recoñecemento da obrigaón económica dela derivada, así como o seu posterior pagamento en cumprimento do principio do non enriquecemento inxusto, tal e como se indica na memoria emitida pola Alcaldesa-Pedánea con data 3 de abril de 2023.

Posto que se trata de subministros recibidos no exercicio anterior, consonte a normativa reguladora da facenda local o mecanismo axeitado para a súa aprobación e pagamento é a inclusión nun expediente de recoñecemento extraxudicial de créditos por conta das aplicacións orzamentarias do ano 2023.

SEGUNDO. – Que mediante providencia de Alcaldía-Pedanía de 03.04.2023 viuse a necesidade de aprobar un expediente de recoñecemento extraxudicial de créditos.

TERCEIRO. – Que con data 3 de abril de 2023 emitiuse informe por parte da secretaria-interventora, que obra no expediente.

LEXISLACIÓN APLICABLE

- *Artigos 163, 169.3, 173.5, 176 a 179 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRFL).*
- *Artigos 25.1, 26.1, 60.2 do Real Decreto 500/1990, do 20 de abril, que desenvolve o Capítulo primeiro do Título sexto da Lei 39/1988, do 28 de decembro, Reguladora das Facendas Locais (TRLRFL).*

Por iso, visto o informe da secretaria-interventora incorporado no expediente, dispoño que pase o presente expediente para o seu debate e aprobación na vindeira sesión ordinaria da Xunta Veciñal que se celebre, coa seguinte:

PROPOSTA DE ACORDO

PRIMEIRO. - Tomar conta das observacións feitas pola secretaria-interventora no seu informe de data 3 de abril de 2023, que consta incorporado ao expediente, e levantar o reparo suspensivo correspondente, de conformidade co disposto no artigo 216.2 c) do Texto Refundido da Lei Reguladora de Facendas Locais (TRLRFL) aprobado por Real Decreto Lexislativo 2/2004, de 5 de marzo, motivado por omisión de requisitos ou trámites esenciais que dan lugar a nulidade do acto administrativo, en virtude do artigo 39.1 da LCSP que remite ao art. 47 da Lei 39/2015, de 1 de outubro, do Procedemento Administrativo Común (LPACAP), por prescindir total e absolutamente do procedemento legalmente establecido.

SEGUNDO. – Esta Alcaldía proponlle á Xunta Veciñal que adopte, se procede, o seguinte ACORDO:

Aprobar o recoñecemento extraxudicial de créditos núm. 3/2023 a efectuar ao abeiro do artigo 60.2 do R.D. 500/1990, de 20 de abril, para o abono dunha factura



*Entidade Local Menor
de Bembrive*

que se integran na relación de xustificantes de gasto núm. 2023 8 e que se detalla a continuación:

<i>Factura tramitada no expediente de REC núm. 3/2023</i>				
<i>Núm. de Factura</i>	<i>Núm. de Xustificante de Gasto</i>	<i>Data Factura</i>	<i>Data rexistro Factura</i>	<i>Importe * (€)</i>
<i>Emit-215 (FAC2022/21/215)</i>	<i>2023 66-074</i>	<i>28.12.2022</i>	<i>15.03.2023</i>	<i>3.751,00</i>
<i>Total</i>				<i>3.751,00</i>

**IVE incluído*

TERCEIRO. – Dispoñer, recoñecer e liquidar a obriga correspondente, aplicando, con cargo ao orzamento do exercicio 2023, o correspondente crédito con cargo á aplicación presupostaria indicada na columna do listado que se achega e ordear o pago.

Non obstante, a Xunta Veciñal acordará o que estime pertinente.”

.....

Atópase no expediente memoria xustificativa da Alcaldía Pedanía, do 03.04.2023:

“ANTECEDENTES DE FEITO:

Nesta Entidade Local presentouse o presidente da Comunidade de Aguas de Xestoso, para pedirlle o anterior alcalde pedáneo unha axuda económica para unha reparación dun tramo de tuberías en mal estado que afectaba a unha parte de veciños. Vista a necesidade de facer dita obra decidíuse colaborar pagando unha factura dos distintos materiais utilizados.

XUSTIFICACIÓN:

Esta Alcaldía pedanía considera que debe pagarse dita factura tendo en conta os seguintes motivos:

1º.-Porque xa estaba aceptada con anterioridade e débese respectar.

2º.- O obxecto de esta axuda favorece a parte da veciñanza e consideramos que diso se trata a nosa función dentro das posibilidades da Entidad.

En consecuencia, esta Alcaldía-Pedanía considera favorable o pago da factura polos motivos aquí expostos.

.....

No expediente consta informe da Secretaría Intervención, emitido o 03.04.2023, cuxas conclusións son as seguintes:

Primeira. – A/s prestación/s amparada/s na factura incluída neste expediente foi obxecto dunha contratación irregular, na medida en que foi adquirida sen control previo por parte da Intervención desta Entidade e, polo tanto, cunha ausencia total do procedemento, o que



Entidade Local Menor de Bembrive

supón, conforme ao disposto na normativa sobre contratación, a nulidade absoluta ou de pleno dereito da relación negocial entre a ELM de Bembrive e a entidade prestadora do servizo, sen prexuízo das responsabilidades que puidesen derivarse da citada actuación.

Como consecuencia de todo o anterior, procede fiscalizar desfavorablemente e formular reparo suspensivo ao gasto incluído na relación de xustificantes de gasto núm. 2023/08 para o recoñecemento extraxudicial de créditos núm. 3/2023, conforme ao disposto no artigo 216.2 c) do Texto Refundido da Lei Reguladora de Facendas Locais, por omisión de requisitos ou trámites esenciais que dan lugar a nulidade do acto administrativo, en virtude do artigo 39.1 da LCSP que remite ao art. 47 da Lei 39/2015, de 1 de outubro, do Procedemento Administrativo Común (LPACAP), por prescindir total e absolutamente do procedemento legalmente establecido (apartado 1, letra e).

O motivo do reparo é, por unha parte, que a factura que integran o presente expediente corresponde a subministros sen levar a cabo o correspondente procedemento de contratación, e tamén, por outra parte, que se trata dunha factura emitida a nome da ELM de Bembrive relativa a sufragar un gasto non correspondente a esta Entidade Local (subvención “indirecta” ou “en especie”) que non conta con tramitación algunha a efectos da normativa reguladora en materia de subvencións públicas.

O citado reparo ten carácter suspensivo e deberá ser resolto pola Xunta Veciñal da ELM de Bembrive con carácter previo a aprobación da citada factura, de acordo co art. 217 do TRLRFL.

Segunda. - En virtude do principio xeral do dereito según o cal ninguén pode enriquecerse en detrimento de outro, nace unha obrigaón ex lege, e a Administración ha de restituir o enriquecemento. Por tanto, o expediente de recoñecemento extraxudicial de créditos previsto no artigo 60.2 do RD 500/1990, que ven a dar resposta á situación administrativa que nos ocupa, preséntase como un instrumento de gasto para facer efectiva a liquidación prevista no apartado 1 do artigo 42 da LCSP, que trae causa da resolución dun expediente de revisión de oficio e a súa finalidade é evitar o enriquecemento inxusto da Administración, sen prexuízo, no seu caso, da esixencia de responsabilidades.

A existencia do procedemento administrativo, neste caso de contratación e de execución orzamentaria, é unha garantía de trato de igualdade aos provedores, e de eficiencia e transparencia na xestión pública do gasto, ademais dunha obriga legal.

Terceira. - Toda vez que o procedemento de recoñecemento extraxudicial de crédito supón imputar ao orzamento corrente gastos realizados sen contar coa consignación orzamentaria correspondente, a súa utilización debe aplicarse con carácter excepcional, correspondendo a competencia para a adopción do acordo á Xunta Veciñal da ELM de Bembrive.

Cuarta. - No expediente constan as facturas correspondentes, memoria da Alcaldesa-Pedánea no que se xustifica a contratación dos subministros que integran o presente expediente (e posterior pago), así como a dilixencia da mesma incorporada nas facturas que conforman o expediente na que expresa a conformidade co servizo realizado que se describe nos respectivos documentos, en canto a calidade, cantidade e prezo.



Entidade Local Menor de Bembrive

Quinta. - Según os datos contidos na base de datos de contabilidade da Entidade, na actualidade existen por diversos motivos alleos a esta Intervención un elevado número de facturas de exercicios anteriores que se atopan pendentes de conformidade, tramitación, aprobación e posterior pago, e outras pagadas pendentes de aplicación ao orzamento.

Esta forma de actuar supón unha vulneración sistemática do disposto no artigo 187 do Real Decreto Lexislativo 2/2004, do 5 de marzo, polo que se aproba o TRLRFL que establece a orde de prelación de pagos, de tal forma que á hora de realizar a expedición das ordes de pago, terán prioridade as obrigas contraídas nos exercicios anteriores que se atopan pendentes de pago e as que entraron con anterioridade no Rexistro desta Entidade, así como da Lei 39/2015, que recollen a necesidade de tramitar os expedientes por riguroso orde cronolóxico de incoación dos mesmos, determinada, cando se trata de expedientes administrativos de gasto, pola data de presentación da factura no rexistro correspondente.

Sexta. - No orzamento vixente existe crédito adecuado e suficiente ao nivel de vinculación xurídica dos créditos establecido na Base 6ª de Execución dos orzamentos desta Entidade Local Menor (Área de gasto / Capítulo) para facer fronte á obriga económica derivada das actuacións que motivan o presente expediente, sen prexuízo das repercusións orzamentarias que poden resultar desta imputación.

Sétima. - Unha vez sexa, de ser o caso, adoptado o acordo polo órgano competente, remitírase á Intervención, procedéndose nese momento a efectuar a toma de razón deste.


Oitava. - O presente informe constará e formará parte do informe que sobre a liquidación do orzamento do presente exercicio debe emitir a Intervención en aplicación do artigo 191.3 do TRLRFL e incorporárase, adicionalmente, ao expediente que sobre a Conta Xeral debe formar e redactar esta Intervención en aplicación do artigo 212.2 da normativa anteriormente citada.

.....
Non se producen intervencións.

ACORDO: Sométese o asunto a votación, resultando que por unanimidade dos catro membros presentes (da Sra. Alcaldesa e dos vocais, Sr. González Domínguez, Sra. González Fernández e Sr. Costas Costas), acórdase aprobar a proposta tal como quedou anteriormente transcrita.

.....
E non tendo outros asuntos a tratar, a Presidencia levanta a sesión sendo as 20:14 h. do día indicado de todo o cal, como secretaria, dou fe.

Vº e pr. da Alcaldesa Pedánea,


Asdo. Patricia Otero Carrera



A Secretaria Interventora,


Asdo. Patricia Alvarellos Leis